



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**DE || LIBERTATE || CHRISTIANA ||**

**Lensaeus, Johannes**

**Antverpiae, 1590**

Capvt V. Quam sectarij libertaem intelligent, cùm libertatem religionis  
petunt: & quàm malè hoc vocent religionis libertatem.

[urn:nbn:de:hbz:466:1-46059](#)

## CAPUT V.

*Quam sectarū libertatem intelligent, cùm libertatem  
religionis petunt: & quam male hoc vocent  
religionis libertatem.*

**P**OSTEAQVAM igitur explicatum, quid sit vera religionis libertas: nunc demonstrandum est, quid aduersarij quidam sibi velint, cùm religionis experit ac prædicant libertatem. Hæc nimirum illis est libertas religionis, cùm liberè quisque, hoc est, impunè, quidquid libuerit, de religione & sentit & prædicat sive cùm pro arbitrio quisque suo, sub titulo tamen & professione Christiani nominis, componit aut sequitur Dei colendi rationem. Legi qui diceret, etiam si aliqua republica tot sententiæ de religione forent, quot capita, et si aliquos verè hæreticos esse constaret, exterminari tamē nō debere propter libertatē, sed suis iudiciis atq. conscientijs, nulla eis propterea illata molestia, relinquendos. Itaque cùm diuersissimæ ac mīce inter se repugnantes passim audiuntur de dogmate fidei sententiæ: cùm varij conspicintur ritus, ceremoniæ, leges, conuenticula: cùm & in ciuitatibus & familijs propè singulis, non solùm aliud ab alio dicatur, sed aliud atque aliud in his quæ religionis existimantur esse, aut alijs atque alijs temporibus & locis & modis agitur: hoc est, cùm nullus ordo, nulla concordia, nulla conformitas, sed confusa, permista, perturbataque sunt omnia, atque id quidem in maximis momentibus, nemine proorsus agnito in terris superiore, qui regat, moderetur, præscribat, conciliet: hanc religionis libertatem appellant. Quomodo videlicet Romani quondam ciuitas, cùm omnium gētium feruiret erroribus, magnam sibi, inquit Leo, videbatur assumptam religionem; quia nullam respuebat falsitatem. Atque perfecta consummataque, ut arbitror, in regno illo

beato religionis libertas est: vbi tamen vnum idemq.  
sentiant ac sequuntur omnes, vbi absolutissima in ag-  
nitione veri conformitas, summaque per omnia con-  
sensio. Quare si rei cuiuspiam initia & inchoationes,  
ipsius debent perfectioni respodere, quo possit ab ipsis  
initijs res paulatim augeri, & aucta perfici atque con-  
sumari: profectò libertas hæc religionis, quā volunt,  
beatæ illius initium & inchoatio esse non potest, ideo-  
que nec prorsus libertas religionis esse. Non enim  
summa consensio discordiam, non perfecta vnitas se-  
parationem, non maxima similitudo discrepantiam  
perficere atque absoluere potest, sed euertere & ab-  
olere penitus debet. Sunt ergo isti malorum artificum,  
vt figurorum, aut sutorum, vel sartorum imperitorum,  
similes; qui sic inchoant, vt perfici quod coepit est,  
non possit: ideoque destrui oporteat. Dixeris, liberta-  
tem in cælo religionis esse, quia illic quisque sentiat vt  
vult, impediēte ac perturbante nemine. hoc enim bea-  
titudinis postulare rationem, vt quis viuat vt velit: &  
ideo si in terris quoque permittatur quisque viuere ac  
sentire vt velit, tum demum fore eam libertatem, quæ  
sit perfectæ & cœlestis illius libertatis inchoatio. Quis-  
quis hoc dicis, cogitare debueras, quamobrem in cælo  
beati viuant vt velint; quodque velint, sentiant & fa-  
ciant, eaque ratione verè & perfectè sint liberi. quæ-  
nam ergo eius rei est ratio? Nonne propterea viuunt vt  
velint, quia nihil male velle possunt, nihil prauè senti-  
te, nihil alienum à vero, nihil omnino quod non hau-  
tiat immediatè ex ipsis limpidissimo & uberrimo fon-  
te veritatis? Talibus ergo liberum esse oportuit, quid-  
quid vellent dicere & facere, qui neque peccare agen-  
do, neque cogitando aut dicendo labi aut errare pos-  
sent, qui neq. infirmitate laborent vllavt sint adiuuādi,  
neq. errore vt corrigendi, neque malitia vt castigandi  
sint atque coercendi. At quid in terris simile, vt eadem  
esse possit ratio libertatis? Abundamus enim infirmis,

nota-

notaque multorum est & in fide & in moribus constitutis imbecillitas. Malitia vero per orbem terrarum sic exundat, ut nullis videatur posse terminis cohiberi. Ignorantia denique si non esset maxima, non de una eadem que re tot essent penè sententiae, quae capita. Est enim ignoratia, opinionum atque errorum velut fœcunda quædam mater: nec ullus textus plures commentarios recipit, aut certe patitur, quamvis cuius plurimum verus & genuinus sensus ignoratur. In tantis igitur tot malorum fontibus si cuique permittis vivere sentireque ut velit, nihil agis aliud, quam ut omnium scelerum atque errorum, tanquam obicibus ruptis, inundantibus quibusdam fluminibus obruumur. Infirmitas si sibi relinquitur, cortuit: malitiosus si non terroribus frænatur & minis, peccandi finem nullum facit. Errandi vero quis modus in tanta ignoratione veritatis, tantaque interim præsumptione & temeritate afferendi quod in mentem venerit; si nullius magistris suspicienda sit auctoritas, cuius ad præscriptum nostras assertiones & dogmata reuocemus? Cernis, ut reor, talem hic non posse libertatis constitui rationem, quasi ad similitudinem atque ad exemplar eius quæ in caelo futura est. Sed ita potius ad illius regni libertatem nos accommodauerimus, quadamque eius inchoatione & deliciae præparaauerimus, si percepta per fidem doctrinæ salutaris veritate, in ea sentiamus idem dicamusque vniuersi qui Ecclesiæ gremio cotinemur: haereses vero & schismata quam longissime propellantur, sicut ab illo regno procul erunt. Ideoque reipublicæ Iudaicæ institutor Deus, ut hoc etiam modo Christianæ Ecclesiæ præfiguraret unitatem, uniconvoluit esse templum in quo sacrificaretur, eademque sacrificia, & consimilem per omnia colendi rationem. A qua conformitate si qui discederent, ut illi qui in excelso immolabant, unitamen Deo, in eos seuerè iussi animaduerti. Ac licet tribus ipsas Israëlitias iusserit se-

parari, non tamen id fecit ut religio, sed ut regnum se-  
pararetur. At contrà, diabolus suam ciuitatem, hoc est,  
Babylonem, in summa confusione discordiaque fun-  
davit: ut nō solum pro diversitate populorum & gen-  
tium esset deorum multitudo, verum etiam ipsi qui  
tunc præ reliquis sapientiae laude pollebant Philoso-  
phi, incredibili inter se varietate & pugna sectarum  
collideretur. Cuiusmodi turbulentissimam discordis-  
simamque confusionem sub titulo libertatis in Eccle-  
sia impune esse velle, id & decori domus Dei, & ca-  
storum eius ordini, & scholæ concordiae, in qua pro-  
pterea plures magistros esse diuus Iacobus vetat, om-  
nino contrarium est. Denique non magis illa religio-  
nis, quam impietatis, innocentiae, quam scelerum; ve-  
titatis, quam erroris, fidei, quam infidelitatis; nō ma-  
gis Christi, quam diaboli libertas est. Imò vero per  
hanc fucatam libertatem soluitur maximè grassatur-  
que diabolus, & nemine obstante, sua vbique terra-  
rum regna molitur: abducit captiuos, quos Christus  
liberarat: turres suas & propugnacula erigit, vt Christi  
domum euertat: latet vbique, vt fallat: idem vbique  
se profert, vt aperto etiam marie congregiens, cogen-  
do suos efficiat quos vicerit. Cur ergo religionis appel-  
letur libertas, per quam profana magis impietas,  
quam religio propagetur? An fortè religiones vere plu-  
res esse possunt, aut etiam properiter veri inuestigandi  
vtilitatem plures esse necesse est? Nimirum vt ea sit  
varias in Ecclesia religiones habendi ratio, quæ Gentil-  
ibus quibusdam fuit multiplices suscipiendi vario-  
rum deorum cultus: quam sic Prudentius expressit, ex  
persona Symmachi Gentilium Legati:

Secretum sed grande nequit rationis opere  
Quari aliter, quam si sparsis via multiplicetur  
Tramitibus: si centenos terat orbita calles  
Questura Deum variata indage latenter.

Verum

Verum Christianis quomodo unus Deus, & unus Dei  
& hominum mediator Christus Iesus, & una, que Dei  
domus & templum est, Ecclesia: ita unica religio esse  
debet. Unus Deus est, qui colitur: unus mediator, per  
quem colitur: una quae pie salubriterque colitur, Eccle-  
sia, cui propterea una colendi ratio debet esse, quod  
una simplexque sit ratio pietatis & sapientie. Scriptum  
est in libro Iob, Ecce pietas est sapientia. Si autem que-  
ras, quam dixerit eo loco pietatem, distinctius Grace  
reperies theosebian, quae est Dei cultus. Pietas igitur,  
Dei cultus est. At quibus potissimum rebus colitur  
Deus? procul dubio tribus illis notissimis, fide, spe, &  
charitate. cum igitur una sit fides, una spes vocationis  
nostrae, quemadmodum Paulus ait, unaq; omnium cha-  
ritas: efficitur, pietatis ac religionis, siue Dei colendi,  
unam ac simplicem esse rationem. Proinde cum illa  
dixisset Symmachus de via colendi sparsis multipli-  
canda tramitibus, quae paulo ante posita sunt: respon-  
dit ex sua persona Prudentius in hunc modum:

*Longè aliud verum est, nam multa ambago viarum  
Anfractus dubios habet, & perplexius errat.  
Sola errore caret simplex via, nescia flecti  
In diuerticulum, biuis nec pluribus anceps.  
Non tamen infitior duplex occurrere nobis.  
Semper iter, geminis mortalia partibus ire,  
Quum dubitant quoniam ferat ignorantia gressus.  
Altera multifida est, at simplex altera & una.  
Una Deum sequitur: diuos colit altera plures;  
Et tot sunt eius diuortia, quot templorum  
Signa, quot aeriis volitant phantasmat a monstribus.  
His Prudentius insinuat, una relicta religione, cetera  
que religiones appellantur, neque certo numero re-  
minatas, neque veras esse posse, sed in perniciem  
mortem ducere. Quod non solum habere locum intel-  
ligendum est, ubi plures coluntur falsi dij, uno vero*

*Cap. 28.  
August. En-  
chirid. cap. 2.  
& 3.*

Deo derelicto verum etiam ubi ad unius veri Deiculum variæ ac multiplices, pro cuiusque ferè arbitratu, sternuntur viæ: quas aberrare necesse est, quoniam veritas, à qua receditur, simplex & una est. Et tamen blandæ illæ apparent in suis initijs & faciles & amanæ, eoque nomine multos allicitunt & failunt, quos veræ religionis prima facies subtristis offendebat. Quod etiam pertinent illa Prudentij quæ sequuntur:

*Simplicis ergo viæ dux est Deus: ille per unam*

*Ire iubet mortale genus, quam dirigit ipse*

*Sublimem dextro celsa ad fastigia clivo.*

*Prima via facies inculta, subhorrida, tristis,*

*Difficilis: sed fine sui pulcherrima, & amplis*

*Predita diuinitis, & abundans luce perenni.*

In hac igitur una simplici que via, quam Deus dirigit, vera religionis quærenda libertas est: in qua sola est veritas salutaris. Postremò si, quemadmodum beatus Apostolus verissimè dixit, ubi Spiritus Domini, ibi libertas: profectò ubi spiritus erroris atque mendacij regnare impunè sinitur, ibi non libertas, sed deploranda seruitus sit necesse est. Quia enim sunt quidam, qui charitatē veritatis nō recipiunt, ut salvi fiant, ideo mittit illis Deus (quemadmodum Apostolus ait) operationem erroris, ut credant mendacio: ut iudicentur omnes qui non credunt veritati, sed consentiunt iniurati. Quem erroris spiritum usque adeò liberum esse in Ecclesia nō patitur, ut propterea in eadem epistola adhortetur atq. præcipiat, teneri traditiones quas didicissent, siue per sermonem, siue per epistolam eius: denunciet quæ suis fratribus, ut subtrahant se ab omnifratere ambulante inordinatè, & non secundum traditionem quam ab illo acceperint. Denique aliquo loco obsecrat fratres per nomen Domini nostri Iesu Christi (tantopere enim abhorrebat Apostolus à diuersitate sententiarum in his quæ religionem concernerent) ut non

*2. Thessal. 2.*

624 DE CHRISTIANA LIBERTATE  
non essent inter eos schismata, sed perfecti essent in  
codē sensu, eademq. sententia. Neque illud me hīc re-  
morabitur, quod ex ipsis argutantur quidam: si mittit  
Deus operationem erroris; recipi, & nō excludi oportere. Id solum eis cogitandum relinquo: spinas & tri-  
bulos, quibus radices tribuit Deus; aut febres, quas  
imminitt; aut fures, quibus avaritiam aliquorum sub-  
inde puniū; quonam modo non recepturi, aut electi  
atque expulsuri sint, si quæcumque à Deo in peccati  
poenam immituntur, recipi oporteat; obſistere vero  
atque excludere, aut etiam perdere, nefas putandū sit.

### CAPVT VI.

*Destruitur fundamentum ædificande huius noxie libertatis,  
in eo quibusdam situm, q̄ id ea quæ ab Ecclesia definita  
sunt, opinionis non fidei res esse statuantur.*

**A**Did potius tranſeo, vt demonſtrem, quid ſe-  
quantur in hac ſua libertate religionis adſtruendā. Po-  
tent enim hoc cuiquam mirum videri, quod rem  
tam absurdam poſtulent, niſi quæ radix ſit poffima  
huius ſtirpis, perſpectum habeatur. Itaque ædificande  
huius libertatis quædam animaduerto fundamen-  
ta, quæ à diuersis iaciuntur hominibus, quos iſtiusmodi  
licentia & impunitas delectauit. Vnum eorum eft, quod  
incertum eſſe voluntiū iudicium ijs de rebus, in quibus  
rebus iſtiusmodi libertas experitur. Nolunt enim de  
ijs quidquam aut ratione conuincente, aut Scriptura-  
rum canonicarum ſententia, aut Apostolica tradicio-  
ne, aut vlla irrefragabili auctoritate ſic definitum ag-  
noscere, vt non interim ſit integrum in alia opiniori  
versari. Et quamuis interdum hi aliud alio probabi-  
lius eſſe fareantur, ramen quoniam utrumque ſine fi-  
dei eius quæ ſola ad ſalutem ſufficiat præiudicio, polle  
defendi carent; vnumquemque hīc volūt in ſuꝝ pro-  
fello.